



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 9. Francisci de Mendoza Cardinalis obitus.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

que decreta Vercellas transmisit, ubi pro
 juvenum Clericorum institutione Se-
 minarium erexit. Postea a Paulo IV.
 adjugebatur Carolo Cardinali Carraf-
 fæ Legato ad Philippum II. Hispaniæ
 Regem in Belgium eunti: sub Pio vero
 IV. cum apud Venetos Legatione fun-
 geretur, Presbyter Cardinalis S. Cæ-
 sarei in Palatio primum, & dein S. Agne-
 tis in Agone, ac postea S. Anastasiæ
 die vigesima sexta Februarii Anno Sa-
 lutis nostræ millesimo quingentesimo
 sexagesimo primo renunciatus est, quar-
 tusque suo generi purpuræ honorem at-
 tulit: Anno autem sequenti suum Epi-
 scopatum in Guidonis Nepotis sui iti-
 dem Cardinalis favorem dimisit, inter-
 fuitque comitiis, in quibus Pius V. Ro-
 manus Pontifex nominatus est. Obiit
 tandem Romæ die duodecima Novem-
 bris Anno Christi millesimo quingen-
 tesimo sexagesimo sexto, annos natus
 sexaginta tres.

Sæcul. XVI.
 A.C. 1566.

§. IX.

*Francisci de Mendoza Cardinalis
 obitus.*

Denique postremus, ac sextus erat
 Franciscus de Mendoza natione
 Hispanus patria Conchensis, Didaci
 Marchionis de Cannete, ac Isabellæ
 Bobadillæ Filius, qui Ferdinandi Pin-
 ciani

Ciacon.
 pag. 699.

Sæcul XVI.
A. C. 1566.

ciani magisterio usus, tantum in literis
progressum fecit, ut absentis sui Ma-
gistri vices subire, atque in Academia
Salmanticensi ipsius loco non semel
prælegere valeret, unde meritorum
suffragio ex Toletano Archidiacono Epi-
scopus, primò Cauriensis, deinde au-
tem a Paulo III. ad Caroli V. Impera-
toris preces Presbyter Cardinalis sanctæ
Mariæ de Ara cœli renuntiatus est, quo
tamen dimisso titulo illum sancti Joan-
nis ante Portam Latinam, ac paulopost
sancti Eusebii adoptabat: insuper rexit
Burgensem Ecclesiam: defuncto autem
Francisco Toletano, qui fuit Senarum
Gubernator, anno Incarnationis Do-
minicæ millesimo quingentesimo quin-
quagesimo quinto a Philippo II. Hispa-
niarum Rege hanc urbem administrare
jussus, illius clavum tenuit, donec ipsa
urbs Cosmæ Medicæo Florentiæ Duci
addiceretur: demum ab eodem Rege
seligebatur, ut Ronevallis Elisabetham
de Francia futuram Philippi sponsam
exciperet, qua legatione defunctus ad
suam Diæcesin secessit, ubi cuncta mi-
nisterii sui munia explere unice inten-
tus erat, vitamque a turbulentis aulæ
negotiis segregatam ducens, inter e-
ruditos Viros quietem, sacrumque a
laboribus suis otium coluit, maximam-
que in Græcis Codicibus undique con-
quiren-

*Gonzal. Da-
vill. in theat.
Episc. Burg.*

quirendis operam navavit; præterea, ut testatur Bibliothecæ Hispanæ Scrip-
tor, Genealogias illustrium Hispaniæ
Familiarum conscripsit, & tandem an-
no ætatis suæ quinquagesimo octavo, ut
in ejus epitaphio expressum legitur, die
tertia Decembris Anno post Christum
natum millesimo quingentesimo sexa-
gesimo sexto in Burgenfi civitate deces-
sit, cujus tamen corpus Concham de-
latum in Mendozarum tumulo, quod
in Ecclesia Cathedrali erectum erat, re-
ponebatur.

Sæcul. XVI.
A.C. 1566.

§. X.

Bartholomæi Latomi extrema.

Eodem hoc anno millesimo quingen-
tesimo sexagesimo sexto plures Au-
thores Catholici, Theologi, Juriscon-
sulti, aliique viri vivis erepti sunt, quos
inter primus est Bartholomæus Lato-
mus Parisiis Professor Regius Anno Do-
mini millesimo quadringentesimo octo-
gesimo septimo Arluci in Lucembur-
genfi Diæcesi natus. Hic latini sermo-
nis peritissimus, idem idioma Treviris,
Colonix, & Friburgi, ubi præcipuum
erat Collegium, tradebat, atque Anno
a Christi Nativitate millesimo quingen-
tesimo trigesimo quarto Parisios dela-
tus est, ubi in Collegio regio, quod
Franciscus I. Galliarum Rex erexit, ar-
tem

Valere
Andre in
Bibl. Belg.
Dupin Bibl.
des Auth.
Eccl. t. 16.
pag. 41.
et juv.